

put VII. Hæc autem concordata Romæ servabantur in Cancellaria Cardinalis Joannis Episcopi Ostiensis, & Vice Cancellarii, qui ex voluntate ipsius Nartini præcipientis, quod capitula prædicta, & quodlibet eorum dentur cuiilibet ea habere volenti communiter, seu divisim in authenticâ forma sub sigillo D. Vice Cancellarii cum subscriptione notarii; sic quod fidem faciant exhibita ubique, ea distribuit. Revera eadem concordata cum illa forma, quam Martinus præscriperat, descripta extant apud Harzheimium loc. cit. Hujus quoque decreti veritatem ostendunt Concilium Basileense Sess. 20. c. 2. t. 17. conc. col. 315. Collect. Labbæi, Gallicanus conventus Bituricensis an. 1438. n. 36. apud Cabassutum, Concilium Lateranense V. Sess. 11. §. Statuimus insuper t. 19. conc. col. 958., in quibus ejusdem decreti mentio est; denique consensus omnium, à quibus illud ubique receptum est.

(2) Martini decretum perpetuum esse, atque ad universam Ecclesiam pertinere, duo sunt, quæ invicte demonstrant. Primum educitur ex testimonii, quæ paulo ante descripsi, alterum ex totius Ecclesiæ consuetudine, quæ optima legum interpres est Porro S. Antoninus loc. cit. testatur, sese à Juliano Cæsarino Cardinali intellexisse, decretum illud esse perpetuum; & Andreas Episcopus Posnaniensis cum anno 1423. Senis Concilii causa moraretur, Martinum ipsum rogavit, ut decretum suum prorogaret, sed ei responsum est à Cardinali Juliano, suam illam petitio-nem inutilem esse, quoniam Pontifex idem decretum perpetuum esse voluerat. Ac totius Ecclesiæ consuetudinem pluribus allatis testimoniis, confirmant Suarezius de Censur. disp. 9. sect. 2. n. 5., Cardinalis Petra, ad Constit. 18. Innocentii IV. t. 3. Comment. ad Constit. Apostolic. Cabbasius Notit. Eccles. de Concil. Basil. p. 534. ed. Lugduni 1580. Benedictus XIV. de Synod. diæcesan. l. 12. c. 5. n. 4.

§. XI. Itaque cum hæreticis, schismaticis, ceterisque similibus, qui expresse, ac speciatim excommunicati non sunt (1), vetita in re civili communicatio non est (2). Hi quidem devitandi sunt, sicuti demonstratum supra est, propter periculum, atque discrimen, in quod vocantur, qui ex eorum societate, & consortio iisdem infici erroribus possunt, quibus illi infecti sunt, non autem sunt devitandi propter excommunicationem, qua generatim hæretici, & schismatici obligantur. Itaque cum his hominibus caute, & prudenter, tamquam cum malis, agere debemus memores omnium, quæ de vetita eorum tolerantia sancita sunt; at si quis ob justam aliquam causam cum iis sermones conseruat aut etiam eorum tempa curiosus ingrediatnr, minime incidit in excommunicationem quæ adversus eos, qui cum

excommunicato vitando comunicant, est constituta.

(1) Sunt qui constitutionem Martini V. ad hæreticos, atque schismaticos pertinere inficiantur, & sunt qui huic constitutioni derogatum putant à Concilio Lateranensi V. Sess. 11. §. Statuimus, à quo confirmatum est id, quod pridem à Basileensi Synodo Sess. 20. §. 2. sancitum fuerat. Ita, præter ceteros, sentiunt Sotus in 4. dist. 25. qu. 1. art. 1. & 3., Bellarminus de Roman. Pont. l. 2. c. 30. §. Neque valet opp. t. 1. p. 344. ed. Ven. 1721., Turrecremata Sum. Eccles. Pot. l. 4. part. 2. c. 20., Auctor libri Traité Theologique, où l'on demonstre, que les fidèles ne peuvent communiquer en matière de religion avec les ennemis declarez de la B. Unigenitus, Fagnanus in c. 1. n. 53. de Schismat. Sed Martini decretum loquitur universe de omnibus excommunicatis cujuscumque sententia; aut censuræ ecclesiastice ab homine, vel à jure, ac tantum excipit nominatim illos, in quos sententia excommunicationis à Judentice publicata, vel denunciata specialiter, & expresse est, quique palam in clericum sacrilegas manus injecerunt. Ergo si tantum certi excommunicati sunt excepti, non ceteri cujuscumque sententia, aut censuræ ecclesiastice ab homine, vel à jure, quibus verbis etiam hæreticos, & schismaticos comprehendendi nemo inficiabitur, manifestum est, eos etiam, cum speciatim excommunicati non sunt, ad Martini decretum pertinere. Adde quod novum illud jus à Martino V. constitutum est, ut devitarentur scandala, quæ oriebantur ex consortio hæreticorum, & schismatistarum, quorum magnus erat numerus, cum Constantiensis Synodus habita est. Illa autem Basileensis, & Lateranensis Concilii decreta, quibus jus à Martina inductum, e medio sublatum fuisse videtur, minime observata monet Benedictus XIV. de Synod. diæces. l. 6. c. 5. n. 2. Confer etiam Suarezium de Fid. disp. 21. sect. 3. n. 2., Sanchezium de Praecept. decalog. l. 2. c. 9. n. 3., Pirhingium Jus canon. l. 5. tit. 39. sect. 4. §. 1., Azorium Inst. moral. l. 8. c. 11., Card. de Lugo de Virt. disp. 22. sect. 1. n. 1., Card. Petram ad Constit. Apostolic. t. 3. n. 39. p. 183., Amortum Theolog. moral. t. 1. tract. 3. sect. 2. §. 2., Balleriniū in Not. ad S. Antoninum l. & edit. cit. col. 1414 & seq. At enim duæ sunt ejusdem Marrini constitutiones, altera In eminenti, quæ extat apud Labbæum t. 16. Concil. col. 768., & altera Inter cunctas, quæ ab eodem Labbæo descripta est l. c. col. 766., & in hiis quidem constitutionibus omnis videtur cum hæreticis vetita communicatio. Idem quoque à Martino V. decretum est in Concilio Senensi an. 1423. apud Labbæum t. 17. Concil. col. 99.; atque à Paulo IV. in Const. Cum ex Apostolatus 27. t. 4. part. 1. p. 354. Bullar. Roman. Verum recentiores hæc constitutiones, quibus Martini V. constitutioni Ad evitanda derogatum videtur, nihil obstant, quoniam, ut testatur Benedictus XIV. de Synod. Diæc. l. 6. c. 5. n. 2., eadem constitutio in suo semper vigore permansit, non obstantibus subsequentibus Constitutionibus &c. Accedit quod duæ illæ ipsius Martini constitutiones In eminenti, & Inter cunctas antiquiores sunt

extravaganti *Ad evitanda*, & ideo recentiori constitutione jus comprehensorum antiquioribus, si forte obstat, è medio sublatum est. Quamquam si recte expendatur Constitutio *In eminenti Martini V.*, ea forte pertinet ad illos, qui hæreticorum errorum participes fuerint, aut vetat communionem cum hæreticis, qui uti tales denuntiati sunt apud judices, qui in eam rem inquirere jubentur. Eodem etiam decretum Concilii Senensis, & Constitutio Pauli V. referri commode possunt. Mirum vero non est, quod in Martini constitutione *Inter cunctas hæretici in Ecclesiis catholicorum sepulturam habere prohibantur*; neque vero effici ex eo potest, quod ut catholici sepulturam, ita societatem, & communionem cum hæreticis habere nequeant. Nam illa, quæ catholicis permissa est, communicatio cum hæreticis sine metu excommunicationis, commodum respicit, & utilitatem Catholicorum, qui liberati sunt à metu, quo tenébantur, contrahendæ excommunicationis, si cum hæreticis ita, ut supra monui, communicare. Verum sepultura ecclesiastica cedit in commodum hæreticorum, atque in dedecus Ecclesiae; & ideo vetita hæreticis ecclesiastica sepulta argumento esse non potest, quod etiam catholicis sub pena excommunicationis vetita sit cum hæreticis communicatio. Comprehendam paucis. Constitutio *Ad evitanda* hoc habet propositum, ut Catholici, qui communicant cum hæreticis nominatim non excommunicatis, omnem abigant contrahendæ excommunicationis metum. Cum hoc vero quid habet commune ecclesiastica sepultura, à qua hæretici repelluntur?

(2) Sunt, qui non tantum in humanis, sed etiam in divinis, & sacris catholicis cum hæreticis communicationem permissam putant. Ego ea de re sententiam exponam sapientissimi Pontificis Benedicti XIV. de *Synod. diæces. l. 6. c. 5. n. 2.* Ipse autem inquit: *quamvis per canem Concilii Constantiensi, qui incipit Ad evitanda, quique in suo semper vigore permaneat, non obstantibus contrariis subsequentibus Constitutionibus Concilii Basileensis, & Lateranensis nonnihil relaxata fuerit disciplina in eo, quod pertinet ad conversandum, atque etiam in divinis communicandum cum hæreticis, qui tolerantur.... non idcirco tamen arbitrari debent catholici, fas sibi esse indistincte cum hæreticis, quamvis non denunciatis in rebus sacris, & divinis communicare;* siquidem Paulus V. post maturam rei discussionem neutiquam licere definitivit *Catholicis regni Angliae hæreticorum tempa adire, ritibusque interesse, quos inibi exercant.* Tum ostendit, non deesse Theologos, qui aliquius culpæ reos negant esse Catholicos, qui cum hæreticis, & schismaticis nominatim non denunciatis in divinis communicant, atque ab iis etiam sacramenta percipiunt; modo id faciant ob gravissimam, aut necessariam causam, sacramenta administrentur, ritu plane catholico ab hæreticis, aut schismaticis valide ordinatis, communicatio in divinis neque ullum præbeat indicium, aut conjecturam faciat erroris à catholico homine approbati, neque scandalum, aut offensionem pariat. Monet tamen ipse Benedictus, primum quod huic sententiæ quamplurimi adversantur; deinde quod etiamsi vera habeatur, tamen cum omnes enumerata circumstantia simul, & con-

junctim adesse debeant.... fere impossibile est, quod catholici, qui se cum hæreticis in sacris, divinisque commiscent, culpa vacare possint. Quare Urbis Congregationes, inquit, *illicitam semper reputarunt communicationem, de qua est sermo, doctamque concinnarunt instrucionem ad Missionarios, ubi opus fuerit, transmitendam, ubi rationes expenduntur, propter quas vix unquam accidere potest, ut in praxi sit innoxia catholicorum cum hæreticis communicatio in divinis.* Confer etiam Giraldum *Exposit. Jur. Pontific. l. 5. tit. 39. sect. 926. p. 761. & seq.*, à quo sacrarum quoque Urbis Congregationum ea de re declarationes describuntur. Si qui tamen catholicus hæreticorum, aut schismaticorum tempa ingrediatur, ut ea curiosus inspiciat, atque etiam sacris eruditiois causa intersit, non ut eorum sit particeps, aut quidquam approbet, quod catholicæ veritati aduersetur, is minime in sacris, atque divinis communicare dicitur, neque culpæ reus haberi potest.

§. XII. Potestas ferendi excommunicationem à Christo data est Ecclesiæ Præpositis, hoc est Episcopis, atque in primis Summo omnium capiti Romano Pontifici, in quos ipse contulit clavum potestatem (1). Hi suo jure (2) excommunicationis pena animadvertunt in Christianos, qui gravius deliquerunt, atque huic poenæ subjecti sunt omnes, qui Ecclesiæ potestati subsunt, sive divites, sive pauperes sint, sive alieno pareant, sive summo potiantur imperio (3). Nam hi quoque Ecclesiæ legibus parere debent, quamquam eorum summa sit in re civili potestas; ipsis vero non licet aut censuras ferre, aut in earum justitiam inquirere (4), quoniam ea res tota tantum sacræ potestati commissa est.

(1) Cum Romano Pontifice, quem Christus constituit unitatis centrum, atque Ecclesiæ fundamentum, convenire omnes debent, qui catholici haberi, ac revera esse volunt. Ex quo facile intelligitur, quæ sit vis excommunicationis, quæ à Summo Pontifice lata est. Nimirum cum ille, qui jus in omnes Catholicos habet, aliquem excommunicatione, & anathemate plectit, eum non solum à sua, & Romanæ particularis Ecclesiæ communione se Jungit, verum etiam ejicit, atque præcedit ab unitate, & communione totius Ecclesiæ Catholicæ quæ ipsi tamquam cæpiti, & catholicæ communionis centro adhæret, ac jure Primatus adhædere debet; nec fieri potest, ut quis ab eo præcisus non sit etiam præcisis ab ipsa Ecclesia, quæ ex divina institutione cum ipso unitatis centro annexa, & conjuncta est. Hinc *cura communionis* ab unitate cum Sede Apostolica dimanare S. Ambrosius cum Aquileensi Synodo docuit *Ep. 6. opp. t. 3. col. 850. ed. Ven. 1751.*, & excommunicationes ab aliis Episcopis latè nullius momenti

sunt, cum eos, qui ab aliquo etiam majorum Sedium Antistite excommunicati fuerunt, suæ communionis participes, & sibi inconvulse unitos Apostolica judicavit auctoritas, ut inquit Vigilius P. in Constit. apud Labbæum t. 5. Concil. col. 1348. ed. Ven. Hinc merito S. Cyrilus Ale- xandrinus Episcopus, etsi Nestorii Constantinopolitani errorem, ac pertinaciam exploratam haberet, tamen ab ejus communione discedere noluit, nisi primum Cœlestini Romani Pontificis sententiam audiret apud Constantium int. Cœlest. Ep. 8. col. 1085., ipse autem Cœlestinus aliorum Episcoporum sententias haud metuendas dixit si ab ipsis excommunicati, vel depositi in Apostolicæ Sedis communione permaneant. Confer ejusdem Cœlestini Ep. 11. n. 3. Ep. 12. n. 2. Ep. 14. n. 7. apud Constantium col. 1106. 1111. 1146. Quare perperam, ac nimio abreptus æstu Firmilianus Ep. 75. inter opp. S. Cypriani col. 356. ed. Ven. 1758. schismatis accusat Stephanum Pontificem, qui plures Episcopos in controversia de baptismo hæreticorum communione privasse credebatur, dum Stephanum his verbis alloquitur: *Excedisti enim te ipsum; nolli te fallere; siquidem ille est vere schismaticus, qui se à communione ecclesiastice unitatis apostatam fecerit.* Perperam, inquam; nam Summus Pontifex excommunicatione in aliquos animadvertis sese quodammodo ab illis quidem separat, sed cum eodem præcidat à centro unitatis, quod sibi adhæret ex divina institutione, non se, sed illos à communione ecclesiastice unitatis, & ab Ecclesia amputat, atque secernit; & ideo recte S. Irenæus, qui non eo, quo Firmilianus, æstu rapiebatur, plane intellexit fore, ut Asiani Episcopi ab Ecclesia præcisi, & amputati habentur, si à Summo Pontifice propter controversiam de Paschate excommunicarentur, cum Victorem rogavit. Ne tam multas Ecclesias omnino propter traditionis ex antiqua consuetudine inter illos usurpata observationem, à corpore universæ Ecclesiæ penitus amputaret, uti testatur Eusebius Hist. Eccl. t. 5. c. 24. p. 213. ed. Taurin. 1746. Quod autem objicitur de viris quibusdam pietate præstantibus, qui floruerunt in schismatibus Meletii Antiocheni, & Acacii Constantinopolitanus, quique Apostolicæ Sedis communione caruerunt, egregie diluitur à Petro Ballerino de Vi ac ration. Prim. R. Pontif. in append. ad §. 1. c. 11. p. 327. seq. ed. Aug. Vindel. 1770. At Febronius Romani Pontificis excommunications metuendas, atque eas ad jurisdictionem referendas negat. Inquit enim, quod antiquæ ratio excommunicationis, ejusque jus non erant effectus jurisdictionis respectu excommunicati. Nimirum si- cuti olim communio concedebatur, cum quis etiam alienos subditos suæ communionis participes faciebat, ita excommunicatio, quæ communio opponitur, nihil aliud erat quam aliquem à sua communione repellere; quod cum fieri posset etiam in eos, qui subditi non sunt, & in quos etiam nulla propria jurisdictione est, hinc excommunicatio ad jurisdictionem aliud pertinere videtur. Tunc videlicet proprie Episcopi jurisdictionem exercent, cum suos subditos excommunicatione plectunt, non item cum animadvertis in eos, qui sibi subjecti non sunt. Ita argumentatur Fe-

bronius, qui Summo Pontifici subesse negat eos, qui alii Episcopis sub- sunt; quod sane idem est ac tollere primatum jurisdictionis, quem Sum- mun Pontificem in totam Ecclesiam habere, inter catholicos omnes constat. Sane si hæc jurisdictione sese effundit in Ecclesiam universam, si quotquot in ea versantur Romano Pontifici subjiciuntur, si ipse Christi institutione præest omnibus tum Episcopis, tum ovibus gregis Domini, manifestum est, quod cum ipse fert excommunicationem, non in alienos subditos, sed in eos, quos sibi vere, & proprio jure pri- matus subjectos habet, sententiam dicit. Itaque quemadmodum excom- municatio Episcopi in suos dioecesanos verus est actus jurisdictionis, quoniam in eos imperium, & potestatem habet, ita excommunicatio Ro- mani Pontificis in omnes Christianos verus, & proprius est jurisdictionis actus, quoniam ita fert indeoles, & natura Primatus, ut omnes ei subji- ciantur. Ex quo facile evertitur quod Febronius dicit de non metuendis Romanorum Pontificum excommunicationibus. Nam si Pontifex juris- dictionem in omnes Christianos habet, omnes certe tenentur excom- municazione, quæ ab eo lata est. Ineptissima est autem distinctio inter Pa- pam, & Curiam Romanam, cum excommunicatio non à Curia, sed à Summi Pontificis auctoritate vim habeat; eodemque habenda loco est altera distinctio inter Sedem Romanam, eique præsidentem Summum Pontificem, quam distinctionem late refutat Ballerinus de Vi ac ration. Primat. c. 14. §. 5. n. 23. seq. p. 241. seq. ed. cit.

(2) Quesnellus in Proposit. 90. quam cum ceteris damnavit Cle- mens XI. Constit. Unigenitus 187. p. 340. t. 10. Bullar. Roman. Eccles- ia, inquit auctoritatem excommunicandi habet, ut eam exerceat per pri- mos pastores, de consensu saltem præsumpto, totius corporis. Idem cum eo sentit Van-Espenius de Censur. c. 2. §. 1., eodemque recedit sententia Dupinii de Antiq. Eccl. discipl. Diss. 4. c. 1., Febronii de Statu Ec- cles. c. 1. §. 6., ceterorum, qui damnatam Edmundi Richerii sententiam sequuntur, & clavum potestatem collectum membris Ecclesiæ omnibus inesse arbitrantur, sed ejus usum; & exercitium ad Episcopos, & Sacerdo- tes pertinere. His vero præivit Lutherus, qui in nefario opere, quod Cap- titivitatem Babyloniam inscripsit, opp. t. 2. p. 85. ed. Wittenberg. 1562. omnes, inquit, sumus sacerdotes quotquot Christiani sumus; sa- cerdotes vero, quos vocamus, ministri sunt ex nobis electi, qui nostro no- mine omnia faciant, & Sacerdotium aliud nihil est, quam ministerium. . . Neque Papa, neque Episcopus, neque ullus hominum habet ius unius syllabe constituendæ super Christianum hominem, nisi id fiat ejusdem consensu, & quidquid aliter fit, tyranico spiritu fit. At innumeræ sunt testimonia Pa- strum, qui uno omnium consensu docent, clavum, seu ligandi solvendique po- testatem Ecclesiæ Pastoribus à Christo datam fuisse, illorum autem nemo om- nino est, ut animadvertis Bossuetius de l' Historie des variation. lib. 15. num. 120. & 121., qui hanc potestatem cunctis Ecclesiæ membris sive disjunctim, sive collectim traditam existimet. Id nosci potest ex Clemente Romano Petri auditore Ep. 1. ad Corint. n. 40. apud Constantium Ep. Tom. IV.

Rom. Pontif. col. 28., Ignatio Ep. ad. Ephes. n. 6. apud Cotelerium PP. Apostolio. t. 2. p. 13. ed. Amstelod. 1724., Irenæo, cuius ex l. 3. Contr. hæres. c. 3. seqq. descriptis, egregieque illustravit loca Renatus Massuetius Diss. 3. in Oper. S. Irenæi art. 3. n. 16. seqq. t. 2. p. 103. ed. Ven., Polycrate Ephesio, cuius ex epistola sententiam refert Eusebius Histor. l. 5. c. 24. p. 243. ed. Cantabrig., Clemente Alexandrino Pædagog. l. 1. c. 6. p. 120. ed. Ven. 1757., Origene Hom. 22. in Numer. n. 4. t. 2. opp. ed. Maurin. Paris. & Comment. in Matth. tract. 12. n. 14. t. 3. p. 529., Saturnino Tolosatum Episcopo apud Ruinartum Act. martyr. n. 1. seqq. p. 109. seqq. ed. Veron. 1731., Demetrio Alexandrino, Alexandro Hierosolymitano, Teocrito Cæsariensi, Babyla Antiocheno, Dionysio Alexandrino apud Eusebium Histor. l. 6. c. 8. 10. II. p. 265. seq. c. 27. p. 292., c. 34. p. 298., c. 44. & 46. p. 316. & 319. l. 7. c. 5. p. 323., c. 7. 9. 11. p. 327. 329. 334., Cornelio Romano Ep. ad Cyprianum apud Constantium Ep. Rom. Pontif. col. 135. seq., Cypriano Ep. 3. ad Rogation. p. 172. ed. Amstelod. 1700., Ambrosio de Penitent. l. 1. c. 2. n. 7. p. 253. t. 5. ed. Ven. 1781., Athanasio Ep. ad Constant. in Histor. Arianor. ad Monach. n. 44. opp. t. 1. p. 293. ed. Patavii 1777., Gregorio Nazianzeno. Orat. 1. p. 31. ed. Coloniæ 1690. Orat. 9. p. 158. & Orat. 17. p. 271., Basilio Ep. 42. ad Chilonem n. 4. opp. t. 3. part. 1. p. 128., Ep. 69. ad Athanas. n. 1. p. 161., Ep. 161. ad Amphilius. n. 2. p. 250., Ep. 289. p. 427. ed. Maurin. Paris. 1730., Paciano Ep. 1. ad Sympronian. in Biblioth. PP. t. 4. p. 306. & seq. ed. Lugdun. 1677., Optato Milevitano Contr. Donatist. l. 2. c. 4. & seq. p. 35., & l. 7. c. 3. p. 111. & seq. ed. cit., Joanne Chrysostomo de Sacerdot. l. 2. n. 2. opp. t. 1. p. 572. ed. Montfaucon. Paris., & l. 3. n. 5. p. 385. Homil. 3. ad. Pop. Antiochen. n. 2. t. 2. p. 38. Mitto ceteros Ecclesiæ Patres, ut aliquem faciam scribendi modum, & mitto auctoritatem tot Conciliorum, quot usque ad hanc nostram ætatem numerantur, quæ semper ab Episcopis habita sunt, & in quibus contra hæreticos lata est excommunicatio, legesque ecclesiasticae ab Episcopis constituta. Placet tamen adhuc pauca quædam seligere ex innumeris, quæ dari possent, Gallicanæ Ecclesiæ testimonia. Anno 1728. cum ex voluntate Ludovici XV. Christianissimi Regis Parisiis Episcopi 31. ad habenda comitia convenissent, de consultatione quadam sententiam rogati dixerunt, fundamenta impeti fidei nostræ, oppugnarique principia, quæ nos ab hæreticis discernunt, opinione eorum, qui spiritualem potestatem à Christo Ecclesiæ datam residere defendunt in integra societate, ab eaque committi, credique Pastori bus usum, & exercitium hujus potestatis. Vide opusculum inscriptum *Representations justes, & respectueuses à Nossiegeurs les Cardinaux, Archevêques & Evequés, assembliez extraordinairement à Paris par les ordres du Roy pour donner à sa Majesté leur avis, & jugement sur un écrit imprimé, qui à pour titre Consultation &c.* His autem Episcopis 31. præverant Antistes centum, qui anno 1720., & antea quadraginta, qui anno 1713. & 1714. Parisiis comitia celebrarant, quibus

porro alii plus sexaginta adhæserant. Horum autem doctrina fuit: *Il est vrai, que le pouvoir d'excommunier a été donné à l'Eglise en la personne des Premiers Pasteurs, & si la proposition alloit pas plus loin, elle seroit orthodoxe; mais il n'est pas vrai, que les Premiers Pasteurs le reçoivent du corps de l'Eglise, c'est à dire des fideles. Le pouvoir d'excommunier fait partie des clefs, que Jesus-Christ même donna aux Apôtres immédiatement, & dans leurs personnes aux Evêques, qui sont leurs successeurs.* Consule les Conférences de Luzon t. 7. Conf. 19. qu. 1. p. 299., L'instruction Pastorale approuvée par l'assemblée de Messeigneurs les Cardineaux, Archevêques &c. proposée à Meseigneurs les Prelats absens in Process. verbal. Cleri an. 1713. & 1714. p. 111. ed. an. 1714., item Le Memorie présentée au Roy par l'Archevêque de Cambray l'an. 1734. & Declarationes Regis 4. Aug. 1720., & 24. Martii 1730. t. 12. Actor. Cleri Gallic. p. 1642. & 1645. Alia bene multa Gallicanæ Ecclesiæ, quin etiam Ecclesiarum omnium, Patrumque ea de re testimonia habet Mamachius, qui totum hoc argumentum innumeris prope collectis monumentis solide, copioseque tractavit Ep. 3. ad Febron. per tot. l. 2. §. 1. & seq. p. 27. & seq. Videndi sunt etiam ipse Mamachius Antiq. Christian. t. 5. p. 259. & seq., Petavius de Hierarch. Eccles. l. 3. c. 14. & seq. t. 6. p. 165. seq. ed. Ven. 1757., P. la Fontaine Constit. Unigenitus theol. prop. 3. col. 139., Niccolius in lib. *Les pretend. reformez. convainc. de schisme*, Bossuetius Histor. variat. l. 15. n. 120. & seq., Jo. Baptista Faure Diss. advers. Richeristas in thesaur. theolog. t. 12. op. 4. p. 263. ed. Ven. 1763., Ballerinius de Potest. eccles. Sum. Pont. & Conc. gener. c. 1. §. 1. seqq. p. 1. seqq. ed. Augustæ Vindelic. 1770., Veith peculiari libro, cui titulus *Richerii sistema confut.*, Zaccaria in Anti-Febron. t. 1. c. 4. Diss. 1. & Diss. 3. della Forza obligatoria della disciplina.

(3) Magistratus; ac Principes ecclesiasticis censuris fuisse subjectos eodem modo, quo reliqui omnes subjiciebantur, late ostendit Binghamus Orig. eccles. l. 16. c. 3. §. 5. t. 7. p. 130. & seq. ed. cit. Præcipua ejus rei testimonia sunt in Concilio Eliberitano Can. 2. 3. 55. 56. t. 1. Concil. col. 992. & 998. Collect. Labbæi, in Concilio Valentino II. t. 6. col. 669. Arelatensi I. Can. 7. t. 1. col. 1451., apud Synesium Ep. 58. p. 201. ed. Paris. 1633., Basilium ad Athanas. Ep. 61. p. 155. t. 3. ed. Paris. 1730., Ambrosium Ep. 40. n. 17. ad Theod. opp. t. 6. p. 134. ed. Ven. 1781., Eusebium Histor. eccles. l. 6. c. 34. ibique Valesium in Not. p. 298. ed. Cantabrig., Jo. Chrysostomum in S. Babylon Contr. Julian. & gentil. n. 6. opp. t. 2. p. 545. ed. Montfauconii Paris., Paulinum in Vit. Ambrosii n. 19. opp. Ambrosii t. 7. p. 6. ed. cit., Theodoreum Histor. l. 5. c. 18. p. 1. ed. Cantabrig. Confer etiam Acta Cleri Gallicani t. 12. p. 10. & p. 569. seq. ed. Paris. 1740. Henricus Hungaricæ Rex ab Innocentio III. p. petit, atque impetravit, ut ejus consiliarii, & familiares nisi pro manifesta, & rationabili causa, & canonica monitione præmissa excommunicatione non afficerentur, sicuti patet ex ejus Ep. 511. l. 1. t. 1. p. 295. ed. Baluzii Paris. 1682. Quia etiam Galliarum Regibus à Ro-

manis Pontificibus concessum est, ut in terra Regia nemo sine speciali mandato Sedis Apostolice excommunicationem, vel interdictum ferre posset, sicuti constat ex literis Philippi VI. an. 1335. apud de Lauriere t. 2. *Ordinat. Reg. Franc.* p. 103.

(4) Marsilius Patavinus in *Defensor. Pacis* saeculo XIV. aliquem excommunicare, atque à Divinis officiis arcere sine fidelis Legislatoris, hoc est sine Principiis, auctoritate nulli Episcopo, aut Sacerdoti, vel eorum collegio licere existimavit. Quotquot sunt Protestantes, qui vel Anglicano schismati adhaerent, vel Principi in sacra ius omne tribuant, vel Ecclesiam collegium merum esse arbitrantur, & ceteri, qui ei cogentem potestatem admunt, quique supra descripsi sunt, Marsilii errorem sequuntur. Sed antea etiam Petrus de Corbaria Anti Papa, aliquique, quorum meminit Joannes XXII. in *Extravag. Dudum ad audienciam* apud S. Antonium 4. 2. *Theol. tit. 11. c. 7. §. 5.*, asseruerunt, omnem jurisdictionem, quam Praelati habent majorem, quam alii, ab imperatore procedere, quod est à Principe etiam ius excommunicationis repetere. Idem est error Waldensium, Wicelffi, Joannis Hussi, Lutheri, Calvini, Melanctonis. Van-Espenius de *Censur.* c. 2. §. 5. laici Principis in judicio censorum auctoritatem tue-
tur. Auctor anonymous opusculi, cui titulus *La Chiesa è la Repubblica den-
tro i loro limiti*, Principes ius habere contendit cognoscendi iustitiam, aut iustitiam excommunicationis, idemque sentiunt Manettus, Continius Auctor libri *Riflessioni sulla Bulla Cœnæ*, Pereira *Dottrina del l'antica
Chiesa intorno la suprema potesta de' Re.* Antonius Genovesius de *Jure
& offic. c. 8. §. 38.* in externis actionibus, quo divina iura propagantur, & in Republica administrantur, Sacerdotium imperio civili subjec-
tum putat. His præiverunt Paulus Sarpius, Fevreus, Simon Vigorius, Du-
Pinius, Giannonius, ceteri similes. Sed horum deliramenta late refutarunt M. Antonius Capellus Minorita in lib. *Bononiae edito an. 1610.* *Advers.
præt. primat. Reg. Angliae.* c. 13. & seq., Altaserra *Eccles. jurisdic-
tio-
vindic. advers.* Fevreum, Bianchius *Adversus Giannonium* t. 4. p. 608. & seq. Duvalius de *Supr. Pontif. in Eccles. potest. in Biblioth.
Pontif. Rocaveriti* t. 3. p. 405. & seq. Franciscus Antonius de Simeoni-
bus de *Rom. Pontif. judiciar. potest.* t. 2. c. 21., de Marca in libello, quem an. 1646. Barcinone edit, atque iterum impressit Baluzius in *prole-
gomenis ad opus de Concord.* Sacerdot. & Imper., Cardinalis Tencia Arch. Ebredunensis *Mandement, contre le memoire des MM. les 40.
Avocats de Paris pour le Sieur Samson.* p. 17., Auctor tractatus de la *Jurisdiction ecclesiastique* in t. 6. Actor. Cleri Gallicani, Archiepisco-
pus Parisiensis Beaumont in *Celebr. Instruction.* an. 1756. *De l'autorité
de l'Eglise,* Auctor operis *Des deux puissances*, virisque clarissimi Ger-
bertus princ. *Theol. Can. sect. 1. de Jur. Sacr.* p. 22. seq. & c. 3. sect. 2.
§. 83. & seq. Princip. *Theolog. exeg.*, Zaccaria de *Disciplin. diss. 2.* &
3., & *Anti-Febron. vindic. Diss. 12. c. 1.*, Mamachius ad *Febron.* Ep.
1. §. 19. t. 1. p. 301. & seq. Sane Christus non Principibus, sed solis
Apostolis, atque in primis Petro tribuit excommunicandi potestatem, qua-

in potestate ligandi fundata est, eam ab uno Christo Paulus repetit, eaque semper Ecclesia usa est jure suo, neque ullæ unquam in eo negotio partes laici Principis fuerunt. Sunt autem prope innumera testimonia Patrum, qui laicos Principes in res omnes ecclesiasticas imperium aliquod, & auctorita-
tem habere negant; atque hi, præter ceteros, sunt Athanasius *Histor.
Arianor. ad Monach.* n. 11. p. 277. n. 14. & 15. p. 278. n. 17. p. 279.
n. 33. p. 287. & n. 52. p. 297. opp. t. 1. ed. *Patavii* 1777., Osius Cor-
dubensis apud Athanasium ib. n. 44. p. 292. Lucifer Calaritanus l. 1. pro
Athanas. p. 61. ed. *Ven.* 1778., Hilarius Pictaviensis l. 1. ad *Constant.*
n. 1. t. 1. col. 535. ed. *Veronæ* 1730., Liberius P. apud Athanasium
Histor. Arian. n. 36. p. 288., & apud Constantium. *Ep. Rom. Pontif.*
col. 431. & seq., Basilius M. *Ep. 225.* p. 344. t. 3. ed. *Paris.* 1730.,
Gregorius Nazianzenus *Orat.* 17. opp. t. 1. p. 271. ed. *Coloniae* 1690.,
Gregorius Nyssenus *Opp. t. 3.* p. 306. ed. *Paris.* an. 1639., Ambro-
sius *Ep. 20.* n. 19. p. 48. & *Ep. 21.* ad *Valentinian.* p. 52. opp. t. 6.
ed. *Ven.* 1781. & *Serm. contr. Auxent.* n. 5. p. 56. & n. 30. & seq.
p. 62. & n. 36. p. 63. t. 6., Martinus Turonensis apud Sulpitium Severum
l. 2. *Histor. eccles.* p. 348. t. 6. *Biblioth. PP.* ed. *Lugdun.* 1677.,
Hieronymus in *Isaiam* c. 17. v. 10. opp. t. 4. col. 725. ed. *Vallarsii Ver-
ron.* & *Ep. 14.* ad *Heliodor.* n. 8. col. 33. t. 1., Joannes Chrysostomus
Hom. 3. ad Pop. Antiochen. p. 38. t. 2. opp. ed. *Paris.* 1718. l. 3. de
Sacerd. c. 14. p. 390. t. 1. & *Ep. ad Episc.* & *Presbyteros detrusos in
cærcer.* t. 3. p. 526. & *Ep. ad Innocentium I.* P. p. 5. 7. t. eod., Op-
tatus Milevitanus de *Schism. Donatis.* n. 13. p. 14. ed. *Antwerp.* 1702.,
Augustinus *Ep. 43. ad Glorium & Eleusium* n. 20. col. 97. opp. t. 2. ed.
Maurin. Ven. 1729., Isidorus Pelusiotes l. 3. *Ep. 249.* p. 239. ed. *Ven.*
1745., Gelasius P. *Ep. ad Anastas.* *Imp.* apud Labbæum t. 5. *Conc. col.*
308., Felix III. P. *Ep. ad Zenonem* *Imp.* apud eundem ib. col. 147.,
Joannes Damascenus de *Imag. or.* 2. §. 16. opp. t. 1. p. 339. ed. *Le-
Quienii Paris.* 1712. Idem quoque agnoverunt, ac diserte confessi sunt
pili Imperatores Constantinus post habitum Concilium Arelatense, (vide
Augustinum cit. *Ep. 43.*) Theodosius *Ep. ad Synod. Ephesin.* an. 431.
Par. I. C. 35. ejusd. *Conc.* apud Labbæum t. 3. *Conc. col.* 990. ed. cit.,
& *Valentinianus* apud Sozomenum *Histor.* l. 6. c. 7. p. 227. ed. *Canta-
brig.*, & Ambrosium *Ep. 21. ad Valentinian.* opp. t. 6. p. 52. ed. *Ven.*
1781. Vide etiam *Concilium Tridentinum Sess. 25. c. 3. de Reform.*

§. XIII. Excommunicatio tantum fertur in Christianos, quoniam ex Ecclesia expelli non posunt infideles, qui jam extra Ecclesiam sunt (1), & vero fertur à legitima Potestate in eos, qui sibi subjecti sunt. Quare excommunicatio Episcopi illos afficit (2), qui in ejus dioecesi sunt, excommunicatio Summi Pontificis omnes obstringit, quotquot Ecclesiae in orbe Christianos subsunt, quoniam ejus potestas, & jurisdictione

complectitur Ecclesiam universam. Parere autem excommunicationi, etiam injustæ, quæ tamen à legitima Potestate lata sit, Christiani omnes debent (3); quoniam subjectorum est obedire legibus, quæ à Præpositis feruntur, neque ipsis de earum justitia agere judicium licet.

(1) *Quid mihi de his, qui foris sunt, judicare? Inquit Apostolus I. ad Corinth. V. 12.*

(2) Ad Episcopos, qui sunt Apostolorum successores, pertinet jus excommunicandi. Praeclare S. Thomas in 4. Sentent. dist. 18. qu. 2. art. 2. quæstiunc. 1. *In foro conscientiæ, inquit, causa agitur inter hominem, & Deum; in foro autem exterioris judicii causa agitur hominem ad hominem, & ideo absolutio, vel ligatio, quæ unum hominem obligat quoad Deum, tantum pertinet ad forum pænitentiæ. Sed illa, quæ hominem obligat in comparatione ad alios homines, ad forum publicum exterioris judicii pertinet; & quia per excommunicationem homo à communione fidelium separatur, ideo excommunicatio ad forum exterius pertinet, & illi solum possunt excommunicare, qui habent jurisdictionem in foro judiciali, & propter hoc soli Episcopi propria auctoritate, maiores Prælati possunt excommunicare, non Presbyteri Parochiales.* Hinc in Can. 1. c. 15. qu. 2. excommunicatio *Mucro Episcopi* appellatur. Paulus Mengonius dissertatione Florentiæ edita an. 1732. *de Eminentiori Parochorum dignitate supra canonicos nixus Decretali Alexandri III. in c. 3. de Offic. judic. ordin.* demonstrare conatur, etiam Parochos ordinariam in foro externo jurisdictionem habere, eosque idecirco ferre excommunicationem posse. Sed eum refutavit Jo. Dominicus Larius alia dissertatione Pisis edita ann. 1733, *Revera Parochos ea potestate carere, inter omnes constat, idque, præter certos, late ostendit Gonzalez in cit. c. 3. n. 2.* Illa autem Alexandri constitutio, qua Mengonius nititur, pertinet ad Parochum, qui non ordinario, sed extraordinario jure, videlicet ex peculiari privilegio, aut ex præscripta consuetudine, vel ex alio simili jure excommunicationem inflixerant.

(3) S. Gregorius M. *Hom. 26. in Evang. S. Joann. n. 6. opp. t. 1. col. 1556. ed. Paris. 1705.* Id autem, inquit, qui sub manu Pastoris est; ligari timeat vel juste, vel injuste, nec Pastoris sui judicium temere reprehendat, ne etsi injuste ligatus est, ex ipsa tumida reprobationis supervia, culpa, quæ non erat, fiat. Confer etiam S. Augustinum *de Baptismo Contr. Donatist. l. 1. c. 17. opp. t. 9. col. 93. ed. Ven. 1733.*, Nicolai I. P. *ad Episc. & Cleric. Patriarch. Constantinop. Ep. 10. n. 6. apud Labbeum t. 9. Concil. col. 1381.*, & Concilium Quintilineburgense an. 1085. *Can. 1. apud eundem t. 12. col. 631.* Id vero est intelligendum de excommunicatione, quæ evidenter injusta non sit. Nam excommunicatione, quam injustam esse manifesto constat, neque in interno, neque in externo foro aliquem obstringi, fere omnes sentiunt, ut ostendit Fagnanus in c. 11. *de Solut. n. 10. & seq.* Sed Quesnellus Prop. 91. 92. 93. gene-

ratim statuit, omnem injustam excommunicationem non esse metuendam, quoniam per eam ab Ecclesia non eximus, sed potius est imitari S. Paulum, & Jesus sanat vulnera, quæ præceps Primorum Pastorum festinatio infligit, sine ipsis mandato. Petrus de Marca *Concord. Sacerd. & Imper. l. 1. c. 3. §. 6. & 7.* crimina ecclesiastica, ac sæcularia distinguit, & pro his postremis nonnisi injuste, & illegitime censuras infligi posse contendit. Doctrinam hanc, quam pridem Jo. Parisiensis, Gersonius, & quidam alii tradiderant, arripuit Gionnius à Bianchio notatus, & arripuit etiam Pereira in libro *Dottrina della Chiesa &c.* Continuis Auctori libri *Riflessioni sulla Bolla Cœnæ excommunicationem tantum propter hæresim, morumque doctrinam ferri posse asseverant, planeque despiciunt censuras, quæ propter disciplinam in causis temporalibus, aut mixtis infliguntur.* In idem fere reddit sententiam Febronii c. 9. §. 7. n. 8. *de Stat. Eccles.*, & Auctoris libri *La Chiesa è la Repubblica dentro i loro limiti p. 127.* Adversus hos omnes copiose, accurateque scripserunt Paulus à Lugduno *Anti-Exapl. prop. 91. & seq. t. 2.*, Viva Thes. Quesnell. *prop. cit.*, Fontana *Const. Unigenitus theolog. prop. t. 3. & 4. cit. prop.* Languetius Prem. *Avertissem. dux Appellan. an. 1718. n. 15.*, Bianchi in Giannonium t. 2. l. 6. §. 3. n. 5. p. 411., Cl. Zaccaria *Diss. 3. della Forza obbligatoria della disciplina p. 279.*, & *Anti-Febron. t. 3. Diss. 3. c. 2.* Videnda sunt etiam les Conférences de Luzen *Conf. 19. qu. 3. p. 333. & seq. t. 7.* Sane Christus, qui *Ecclesiam non audierit, tamquam ethnicum, & publicanum haberi voluit;* & hoc quidem loco habere potestatem etiam Ecclesiam constituendi disciplinam, inter Catholicos omnes constat. Paulus I. *ad Corinth. V. 5.* excommunicavit incestum Corinthium propter publicum scandalum, quod ad disciplinam pertinet. Sunt autem prope innumera ex antiquitate ecclesiastica monumenta excommunicationum, quæ propter disciplinam in rebus temporalibus, aut mixtis inflictæ sunt. Seligam S. Leonem M. *Ep. 4. t. 1. col. 616. ed. Ballerin. Ven.*, cuius hæc verba sunt. *Hoc itaque admittitio nostra denuntiat, quod si quis fratrum contra hæc constituta venire tentaverit, & prohibita fuerit ausus admittere, à suo senoverit officio submovendum, nec communionis nostræ futurum esse consortem,* qui socius esse noluit disciplinæ. Patres Concilii Arelatensis an. 314. contra Donatistas habiti *Can. 7. t. 1. Concil. col. 1451. Collect. Labbeum: de Præsidibus*, inquit, *qui fideles ad Præsidatum prosiliunt, placuit, ut cum promoti fuerint, literas accipient ecclesiasticas communicatorias, ita tamen, ut in quibuscumque locis gesserint, ab Episcopo ejusdem loci cura de illis agatur, & cum ceperint contra disciplinam agere, tum demum à communione excludantur.* Similiter adversus eos qui violarent disciplinam in rebus temporalibus, aut mixtis, statuta est excommunicatione à Concilio Carthaginensi IV. c. 95. t. 2. *Concil. col. 1444. Collect. ejusd.*, à Concilio Aurelianensi III. *Can. 22. & 23. t. 5. col. 1280.*, à Concilio Arvernensi an. 535. *Can. 15. t. 5. col. 952.*, à Concilio Marconensi II. anni 585. *Can. 5. t. 6. col. 675.*, à Concilio Trullano seu Quini-Sexto *Can. 69. 71. 74.*

96. t. 7. col. 1379. & seq., Constantinopolitano IV. Oecumenico. *Can.*
17. t. 10. col. 644. ed. Ven.

§. XIV. Quando autem excommunicatio gravissima est inter poenas ecclesiasticas, nonnisi ob grande crimen irrogari debet; cum nihil pejus Christiano homini possit accidere, quam ab Ecclesia separari, eique interdici sacris, atque aditu, congressuque orthodoxorum. Hinc cum ferenda est excommunicatio, primum expendere oportet genus criminis, ut noscatur, num illud tam gravi poena sit, dignum (1); deinde monendus est criminosus, ut se colligat, atque à pravo instituto removeatur (2). Quæ monitio bis, ac tertio repetitur, eaque competens & canonica, appellatur (3), quoniam ex ea satis constat criminosum in peccatis obfirmato animo hærere.

(1) *Can. 41. 42. 43. c. 11. qu. 3.* Vide etiam Augustinum *de Fid.* & *oper. c. 19. & 26. opp. t. 11. col. 550. & 558. ed. Ven. 1767.*, & S. Leonem M. *Ep. 10. c. 8. opp. t. 1. col. 640. ed. Baller. Ven. 1753.*

(2) Concilium Tridentinum *Sess. 25. c. 3. de Reformat.*, *Can. 42. c. 111. qu. 3.*

(3) *Cap. 48. de Sentent. excomm.*, *c. 5. cod. in 6.*

§. XV. Synodus Lugdunensis, quæ habita est Gregorio X. Pontifice, judicibus sive tres admonitiones, sive unam pro omnibus adhibere permisit; verum una haec admonitio instar omnium est; nam aliquot dierum intervalla sunt observanda, antequam sententia feratur, nisi aliud necessitas fieri jubeat (1). Tridentina Synodus (2), ut coiceret arbitrium judicum, qui etiam non admonitos excommunicabant, duas saltem monitiones emitendas statuit, antequam ea poena irrogetur.

(1) *Cap. 9. cod. in 6.*

(2) Concilium Tridentinum *loc. cit.*

§. XVI. Excommunicatus à suo Episcopo ab alio absolvit nequit (1), excepto Summo Pontifice, qui ab aliis inflictam excommunicationem ex ampla, quam habet in tota Ecclesia, jurisdictione removere potest (2). Lata vera ab una Ecclesia

excommunicationis sententia in aliis quoque servanda est (3). Nam ea poena territorio non circumscribitur, sed criminosum sequitur, quocunque ipse venerit (4); ac præterea mutuum fœdus, & conjunctio Ecclesiarum ita postulat, ut ab aliis quoque Ecclesiis ratæ firmæ habeantur poenæ, quas una Ecclesia in sonates constituit. Hinc mos inolevit, ut Ecclesiæ per literas encyclicas certiores facerent ceteras Ecclesiæ de iis, quos communione prohibuerant (5); neque alia nunc disciplina est (6).

(1) *Can. 2. c. 11. quæst. 3.* Concilium Carthaginense II. c. 7. apud Labbeum t. 2. *Concil. col. 192. ed. Ven.*, *Lugdunense II. Can. 4. t. 6. col. 530.*, Ivo Carnotensis *Ep. 76. opp. par. 2. p. 38. ed. Paris. 1647.* Vide Fagnanum *in c. 12. de Pænitent.* & *remiss. n. 80. ed. Baller. Ven. 1753.* Mitto reliqua exempla, quorum ecclesiasticae historiæ plenæ sunt.

(2) *Confer S. Leonem M. Ep. 32. opp. t. 1. col. 839. & seq. ed. Baller. Ven. 1753.* Mitto reliqua exempla, quorum ecclesiasticae historiæ plenæ sunt.

(3) *Cap. 1. de Tregua & pace.* Consule præterea Canones Apostolorum 10. & 25. apud Cotelerium PP. Apostolic. t. 1. p. 443. & 446. *ed. Amstelod. Concilium Eliberitanum Can. 53. t. 1. Concil. Collect. Labbæi col. 998.*, Arelatense I. *Can. 16. ib. col. 1452.*, Nicænum *Can. 5. t. 2. ib. col. 63.*, Antiochenum *Can. 6. eod. t. 2. col. 587. ibi*, Sardicense *Can. 13. eod. t. 2. col. 687.* Cesarengustanum *Can. 5. t. 2. col. 1196.* Milevitanum *Can. 18. t. 3. col. 384.*

(4) *Adi-sis Fagnanum in c. 1. de Tregua & pace n. 6. & 7.*

(5) *Can. 20. c. 11. quæst. 3.* Vide etiam S. Cyprianum *Ep. 59. col. 56. ad Cornelium p. 259. ed. Amstelod. 1700.* S. Augustinum *Ep. 235. al. 74. ad Deuterium opp. t. 2. col. 848. ed. cit.*, Socratem *Histor. l. 1. c. 6. p. 10. ed. Cantabrig.*, Concilium Toletanum I. *Can. 11. t. 2. Concil. col. 1472. Collect. cit.*

(6) Consule Pontificale Romanum *tit. 17. par. 3. §. 12. p. 181. ed. Catalani Roma.*